

UMTLOLONDABA WE-

**SADiLaR**

South African Centre for Digital Language Resources

ISEKELWE YI:-



science & innovation

Department:  
Science and Innovation  
REPUBLIC OF SOUTH AFRICA

ISINGATHWE YI:-



NORTH-WEST UNIVERSITY  
NOORDWES-UNIVERSITEIT  
YUNIBESITHI YA BOKONE-BOPHIRIMA

ABABAMBISANI:-



Touching lives through innovation



UNISA | university  
of south africa



Inter-institutional Centre for Language  
Development and Assessment



UNIVERSITEIT VAN PRETORIA  
UNIVERSITY OF PRETORIA  
YUNIBESITHI YA PRETORIA



UNIVERSITEIT  
iYUNIBESITHI  
STELLENBOSCH  
UNIVERSITY

ISINDEBELE: Mgwengweni 2021



# I-DIGITAL HUMANITIES NEPHASI LETHU

## FUNDA NGE:-

- Digital Humanities nephasi lethu 1
- Hlelo le-ESCALATOR 2
- Hlanganisela yokuThuthukiswa kweLimi labaNtwana 4
- Khonferensi yePhasi Loke ye-Wordnet yomnyaka we-2021 5
- Khonferensi Yephasi Yetjumi Yamalimi We-Afrika 7

**“Itjho ukuthini kuwe i-Digital Humanities (DH)? Ngiziphi iindawo zomphakathi ezingazuza kiyo? Ngikuphi okukukarako nge-DH begodu ulibona linjani ingomuso le-DH e-Afrika namkha ephasini mazombe?”** Le mibuzo eyabuzwa abasebenzi be-SADiLaR. Okulandelako sirhunyezo seempendulo abazinikeleko.

Nababuzwa bona ibaphatheleni i-DH, iimpindulo ezifanako zabasebenzi be-SADiLaR zatjengisa ijamo lebumbano i-DH enalo. Yikoro yebhoduluko yokucabangisisa nge-Humanities ngokujayelekileko eyenzekako nekhuthazwako. Okhunye ukuvumelana okujayelekileko bekukukuthi ukuhlolwa kweenhloko ezihlukahlukene kuyingcenyane eqakathekileko yendlela i-DH eqalwa ngayo. Omunye angathi eqinisweni awukho umkhawulo kilokho okungenziwa ku-DH; omunye uvame uku-bhalelwa, begodu uhlala afunda. Enye ipendulo ngokunqophileko ikhulume ngendima ye-DH yokusebenza malungana nokwenza irhubhululo lifinyeleleke lula ebantwini abanengi kunangaphambili. Imibono yetjhebiswano, ukucabangisisa nokufinyeleleka kuqakatheke kwamambala, begodu kuyakhuthaza ukubona i-SADiLaR iyithathela phezulu kangaka imibono le nendlela eqala ngayo i-DH.

Umbuzo olandelako bewuphathelene nenzuzo ye-DH emiphakathini. Ipendulo ejayelekileko ibe kukuthi zoke iindawo zomphakathi zingazuza ku-DH. Ikgthonakalo ye-DH ekuthuthukiseni iinsiza nekwezeleni imiphakathi eqalelwa phasi ngeze yabuyelelwa kanengi.

Enye ipendulo yatjho iinzuzo i-DH eziphathele abafundi (beenkolweni zamabanga aphezulu nemazikweni wefundo ephakeme) namalayibhrari. I-DH ikhuthaza ukubulungwa nokwenziswa kwelwazi libe yidijithali, okuzokubangela ukwenziwa kweensiza amalalayibhrari nabafundi abangazuza kizo. Lokhu kuhlobana nesitatimende sangaphambilini malungana nokwenza irhubhululo ebelingafinyeleleki ngaphambilini lifinyeleleke ebantwini abanengi.

Umbuzo wesithathu bewubuza ngamunye osebenzako bona khuyini okumkarako namkha okumthabisako nge-DH. Iimpindulo zombuzo lo beziveza umbono womuntu ngamunye, njengombana ezinye bezikhanyisa indlela yokonga isikhathi ngokusebenzisa iindlela ze-DH. Ezinye bezitjengisa ijamo layo elinokuzibamba kwangaphakathi netjhaphuluko yokulinga izinto eziza nokuqalana ne-DH. Umbuzo lo ubonakala ukhulunywe namalungu wesiqhema ngeendlela ezihlukahlukene, njengombana iimpindulo zihluke kusukela eenzuzweni zamambala ukuya kwezomphakathi kanye nezomuntu mathupha. Iimpindulo zinikela ilemuko ngeendlela abantu abahlukahlukene bazibandameza ngakhona

GANDELELA LA  
UKUZE UKGHONE  
UKUTHINTANA NATHI





ku-DH, begodu kukhuthaza kwamambala ukubona umehluko ongaka. Enye ipendulo ifanise i-DH "netende ekulu", nakucatjangelwa iimpindulo ezihlukahlukenekwezi.

Emaswapheleni, woke umuntu ubawe bona aqale ngaphakathi kwebholo eburhanyarhanya bese atjho bona ulibona njani ingomuso le-DH e-Afrika nephasini mazombe. Umlandelande ofanako weempindulo ezivele emalungeni, bekukukhula. Iimpindulo zifake hlangana iinhloko ezinjengo-kuthuthukisa amakghono, ukusebenza ngokukhethekileko, ukuhlola okutjha okungenzeka

kanye nokwenza indawo yerhubhululo ibe ngeyentando yenengi. Kubuye godu kwaba nezinto ezikhulunyweweke ezenza i-Afrika ibe ngephambili ku-DH, esikhundleni sokuyitjhiya ngemva. Kumthombo wesikhuthazo omuhle ukubona amahlelo acacileko nakhuthazako wabasebenzi be-SADiLaR malungana nengomuso le-DH. Kwamambala, kunengi umuntu angacabanga ngakho lapha.


## IHLELO LE-ESCALATOR

I-ESCALATOR lihlelo lesitjhaba elihlose ukukhulisa umphakathi okhethekileko nomajadu osebenza nge-Digital Humanities (DH) nange-Computational Social Sciences (CSS) eSewula Afrika. Nanyana umsuka usungulwe yi-South African Centre for Digital Language Resources (SADiLaR), uzokunikela ngelwazi elinelawulo langaphakathi lekundla yokubangulana lapho boke abanesandla batjhaphulukile ukubeka lobubodhana, ukuhlanganyela nokubonakalisa umsebenzabo.

Ihlelweli lizokuvulela abarhubululi bakade nabasanda ukufika amathuba ezikweni le-DH nele-CSS. Isithomesi sizokunikela ngamathuba ebantwini abanekareko yokuzuza ilwazi emazikweni la, ukuthintana neentanga zabo emphakathini, kanye nokufunda nokwabelana ngamakghono.

Esinye sesisekelo esiyihloko se-ESCALATOR liGadango leenKutana zeDijithali, elizokunikela ngamathuba wokubandula abarhubhululi nabafundi abanekareko

ekubeni badosi phambili bango-muso emiphakathinabo. Igdangweli lizokwethulela labo abanelemuko elilinganiselweko ku-DH naku-CSS iindlela zanje zokurhubhulula ngesizo lezazi neentanga zabo. Abonkethani abanelulukelo bazokumenywa bona bathumele amaphrojekthabo amancani wokuhlongoza abazabe bawenza ngaphasi kwesinqophiso esivela kubabanduli babo. Hlangana nesikhathesi, bazokufunda amakghono wedijithali newomtjhiningqondo ahlobene



**Nangabe nawe ungakuthabela ukuphendula imibuzo le namkha eminye emalungana ne-DH, tjhaphuluka usithinte.**

GANDELELA LA UKUZE UKGHONE UKUTHINTANA NATHI







ESCALATOR -  
vakatjhela  
izinzolwazi lethu  
elithi



ESCALATOR -  
kumphathi wehlelo



SADiLaR -  
kumnikazi  
wephrojekthi



ESCALATOR -  
eku-blog post



DHCSSza -  
i-Twitter

GANDELELA LA  
UKUZE UKGHONE  
UKUTHINTANA NATHI



namaphrojekthabo begodu bazokuba nethuba lokukhulisa ithungelelwano labo. Ukuthathwa kwababanduli nababandulwako bokuthoma beGadango leenKutana zeDijithali kuzokuba phakathi nomnyaka wee-2021 njengombana ukuthathwa kwesibili kuhlelelwe umnyaka wee-2022. Ihlelo le-ESCALATOR lihlose ukuzuzisa abafundi abasakhasako kwezefundo ephakemeko, abafundi bebanga elizinzileko, abarhubhululi abangehla kwezobudorhodere, abarhubhululi abasathoma ibizelo labo, abarhubhululi abazinzileko, abafundisi, abosolayibhrari, abasebenza ngokufundisa nabafundi emayunivesithi womphakathi, imikhandlu yezerhubhululo, nezinye iihlangano zezerhubhululo eSewula Afrika, khulukhulu lezo eziku-Humanities and Social Sciences (HSS). Imisebenzi ehlu-kahlukeneko izokufaka hlangana nabantu abangekho ngaphasi kwe-HSS malungana nokukhuthaza ukudluliselwa kwamakghono wokuzibamba kwangaphakathi, imikhulumiswano netjhebiswano.

Lokha abarhubhululi nabakwazi ukusebenzisa iteknoloji, idatha, nemithangalasisekelo yerhubhululo, ngokujayekileko bangakghona ukuphendula imibuzo ngendlela engakajayeleki ngokusebenzisa amano namkha iindlela zendabuko (zokuzenzela) khudlwana. Kungabahlomisa godu nangokobana baphendule imihlobo emitjha yemibuzo ebebangakghoni ukuyiphendula ngaphambilini. I-ESCALATOR ithembisa ukuletha umthelela omuhle kilabo ababandakanyekileko neemphakathini ngokunabileko. Abarhubhululi be-HSS bazokwazi ukusebenzisa iindlela ezifaneleko zedijithali

nezomtjhiningqondo, basebenzise iinsiza, idatha, kanye nemithangalasisekelo emitjha nesityikhona enjengaleyo efumaneka nge-SADiLaR eqalelela lokho okuthogwa mphakathi weSewula Afrika. Ngokukhamba kwesikhathi abarhubhululi be-HSS eSewula Afrika bazokwaziwa njengabarholi ku-DH naku-CSS e-Afrika nephasini mazombe.

Malungana nelwazi elinabileko ngehlelweleli, vakatjhela izinzolwazi lethu elithi <https://escalator.sadilar.org>. Imibuzo ingathunyelwa kumphathi wehlelo ku-[escalator@talarify.co.za](mailto:escalator@talarify.co.za) namkha kumnikazi wephrojekthi ye-SADiLaR ku-[menno.vanzaanen@nwu.ac.za](mailto:menno.vanzaanen@nwu.ac.za). Senze indawo yokubonisana nge-Slack lapho abarhubhululi beSewula Afrika nabafundi abanekareko namkha ababandakanyeke ephrojekthini ye-DH namkha ye-CSS, la bangathola khona ibandulo, nabalingani babo ukwabelana ngelwazi, ukubuza imibuzo, nokuthuthukisa ithungelelwano labo. Funda okunabileko ngendawo yokubonisana le nokuthi ungayijoyina njani i-DHCSSza Slack eku-blog post yethu yamhlapha nje - <https://escalator.sadilar.org/post/connect-with-the-community/>. Emaswapheleni, i-Twitter handle etja ethi, @DHCSSza (<https://twitter.com/DHSCGza>) iyindawo lapho sizokwabelana khona ngelwazi elimalungana namaphrojekthi we-DH namkha we-CSS, izenzakalo, iinsiza namathuba besenze ama-retweet ngelwazi elivela emphakathinethu.



**ESCALATOR**

Towards an inclusive & active community of practice  
in Digital Humanities & Computational Social Science



# IHLANGANISELA YOKUTHUTHUKISWA KWELIMI LABANTWANA

IHlanganisela yokuThuthukiswa kweLimi labaNtwana isingathwe mNyango wezamaLimi aVamileko e-Stellenbosch University ejamele iKaba yezomThombo wamaLimi weDijithali eSewula Afrika (SADiLaR).

Umsebenzi oyihloko weHlanganisela yokuThuthukiswa kweLimi labaNtwana kukhuthaza iphenyo lokuthuthukiswa kwelimi labantwana kiwo woke amalimi weSewula Afrika kanye nokwenziwa kwamalimi wabantwana abe yidijithali ngedatha ethuthukisiweko bona afumaneke simahla ekundleni ye-SADiLaR malungana nabo boke abasosayensi abasebenza ngelimi, ukwakheka kwelimi, ukuthuthukiswa kwabantwana, ukufunda ilimi kanye nokubogaboga kwelimi.

IHlanganisela yokuThuthukiswa kweLimi labaNtwana yakhe ithungelelwano labososayensi abasebenza ngokuthuthukiswa kwelimi emazikweni neminyangweni ehlukahlukene emayunivesithi alandelako eSewula Afrika yokana: i-University of Cape Town, i-Sefako Makgatho Health Sciences University, i-University of KwaZulu-Natal, i-University of the North-West, i-University of the Free State, i-Sol Plaatje University kanye ne-University of Mpumalanga.

Iphrojekthi yethu edosa phambili ilitjhebiswano langaphakathi lokubambisana neyunivesithi elidzimelele ku-*Communicative Development Inventories* (ama-CDI) yawo woke amalimi weSewula Afrika. Ama-CDI aziinsetjenziswa zokubika zababelethi ezibawa ababelethi/abatlhogomeli bona

babike ukukhuluma komtwana asebenzisa izitho zomzimba, amezwi nemitjho. Alinganisa ituthuko yelimi kusukela eenyangeni ezibu-8 ukuya kwezima-30 begodu sekawoke aziinkomba ezihle ezitjengisa ituthuko yokukhulumisana. Kunama-CDI wamalimi angaphezu kwalikhulu ephasini loke. Amathulusi la bewasetjenziselwa ukukhomba amazinga ekuthuthukisweni kwelimi nokuzuza iinkambiso zokutholwa elimini elisakhasako. Iinkambiswezi zakhe isisekelo sokuthuthukiswa kwezamalimi ukuhlolwa kokuzwiswa kwelimi kanye namathulusi wokupopola eenarheni ezinengi. I-SADiLaR izokwazi ukwenza ama-CDI atholakale kiwo woke amalimi weSewula Afrika esikhathini esizako esitjhideleko kanye nedatha ekhiqizwe ngokwekambiso ngokwama-CDI la.

IHlanganisela yokuThuthukiswa kweLimi ngokwedijithali yedatha yetuthuko izokusebenziseka kanengi. Abososayensi bangasebenzisa idatha leyo ukuthuthukisa amathulusi amatjha wokuhlola nokungenela kuhlanguanise nezamalimi, amasiko nezinto ezifanelana neminyaka yobudala emazikweni ahlukahlukene wezefundo. Ukwenziwa kwedijithali yamalimi wendawo nedatha yokukhulumisana ngezilimi kunganqophisa

GANDELELA LA  
UKUZE UKGHONE  
UKUTHINTANA NATHI



ISEKELWE YI:-



science & innovation

Department:  
Science and Innovation  
REPUBLIC OF SOUTH AFRICA

ukwenziwa kwelimi le-Afrika elizike  
emahlelweni wezefundo  
yezamaphilo nefundo  
yezobuphrofesa ukuthuthukisa

amakghono wabo ukwenzela  
bona akhambisane nalokho  
abakutlhogako endaweni.



UNIVERSITEIT  
iYUNIVESITHI  
STELLENBOSCH  
UNIVERSITY

## IKHONFERENSI YEPHASI LOKE YE- WORDNET YOMNYAKA WEE-2021

Ikhonferensi yetjhumu nanye yePhasi Loke ye-Wordnet (GWC) ibanjwe lokha amalanga ali-18 ukuya emalangenini ama-21 kuTjhirhweni 2021. Bekukokuthoma i-GWC ibanjelwe e-Afrika begodu kukokuthoma ibanjwa ngethangelwano levidiyo. I-SADiLaR beyimsekeli ngeemali oyihloko wesenzakalwesi. Nanyana bekusisenzakalo saku-inthanethi, ikhonferensi le yethule imiboniso ema-41 kuhlanguanise namaphepha amade namafitjhani kanye namaphosta ali-11. Bekuneenthekeli ezima-216 ezitlolisiweko ezivela eenarhakazini ezisithandathu: e-Afrika, e-Asia, e-Australia, e-Europe, eThagwini Amerika neSewula Amerika. Ukuhlelwa kwayo kuvele e-University of South Africa (Sonja Bosch, Marissa Griesel, Lydia Mojapelo), SADiLaR (Juan Steyn, Liané van den Berg) kanye ne-University of Pretoria (Elsabé Taljard). Ikomidi le bekufuze iqalane nomsebenzi ositjhijilo wokuhlela ihlelo elizokwamukela zoke iinthekeli ezijamele iinarha ze-Canada etjingalanga ukuya kweze-Japan epumalanga, kucatjangelwa neenkhati zendawo zeenarhezo.

Ikhonferensi ithome ngomlayezo wokwamukela ovela kumNqophisi we-SADiLaR, uPhrofesa uLanga Khumalo. Ngebanga lokuthi ikhonferensi le beyibanjwe ngethangelwano levidiyo, yoke imiboniso beyirikhodwe ngaphambi kwesikhathi ngilabo ababatloli

bamaphepha begodu yadlalwa ngekundla ye-Zoom. Abethuli bayo bekufuze bayethule ngesikhathi ababekelwe sona ehlelweni kanye nemibuzo neempendulo ngemva kwesikhathi sephepha ngalinye. Nanyana ihlobo

### IMINININGWANA YOKUSITHINTA:



Heather  
Brookes



Frenette  
Southwood

GANDELELA LA  
UKUZE UKGHONE  
UKUTHINTANA NATHI






Amahlelo we-GWC



Amavidiyo we-GWC



Ilinthulo zephosta ze-GWC



I-Arabic Ontology



UPhrof. Mustafa Jarrar

GANDELELA LA  
UKUZE UKGHONE  
UKUTHINTANA NATHI

lethungelwano levidiyweli belilinganiselwe malungana nesikhathi setjhebiswano nokuthungelana nabantu mathupha, imikhulumiswano yesethulo ngasinye beyitjhukuma kwamambala. Abahlanganyeli bathabele iinhloko ezihlukahlukene, kusukela kwezokukhulumisana nama-wordnet amatjha neensiza ezisetjenziswa ngokunqophileko, njenge-Taboo Wordnet, ukuya emikhulumiswaneni edephileko emalungana neendaba ezimabhombho ezinjengemihlobo ebuyekeziweko beyahlelwa yama-wordnet. Ikhonferensi le akhenge igcine ngezethulo nemiboniso evela emalungeni womphakathi azinzileko, kodwana godu ibakarile nabanye abarhubhululi abatjha ebebanelulukelo esihlokweneso kodwana ebebangakghoni ukuya ekhonferensini le ngaphambilini. Amavidiyo la ayafumaneka ngezinzolwazi le-GWC: <https://www.globalwordnet.co.za/programme/>

Ilinthulo zephosta zifakiwe nakuzinzolwazi lekxonferensi begodu zikhambisana neforomo leenthekeli lakwa-Google lokuthintana nabatloli. Amaphosta bewadzimelele khulu emsebenzini oragwako begodu atjengise umehluko omnengi we-wordnet neembawo ze-wordnet. Ilinthulo zephosta zingafumaneka ku: <https://www.globalwordnet.co.za/oster-presentation/>

U-Mustafa Jarrar, uPhrofesa we-Artificial Intelligence ovela e-Birzeit University (e-Palestine), bekasikhulumi esiyihloko sesenzakalwesi. Ikulumakhe efundisako beyisekelwe

ku-ontology yezelimi nama-wordnet. UPhrofesa Jarrar ukhulume ngejamo le-ontology kwezelimi, lapho iincwadi ze-enjiniyera zingakhela khona ama-wordnet angokwe-ontology nanokumumethweko okuhlanzeke ngendlela ehlophisekileko. Ingcinye yesibili yekulumakhe beyidemba ze-Arabic Ontology, okuyi-wordnet yesi-Arabhu eyakhiwe ngokuhlophiseka nangokuhlaziywa kwe-ontology engqondweni. I-ontology ijanyelwe ngendlela efanako nama-wordnet, begodu ibonakala ngokukhanyako ku-Priceton Wordnet, igrafu yelwazi i-WikiData, kanye namabuthelulo amanengi wobuliminengi wesi-Arabhu. I-ontology yakhiwe e-Birzeit University e-Palestine, begodu iyafumaneka ku-<https://ontology.birzeit.edu/concept/293198>

Ikomidi yokuhlela ifunde likhulu ekambisweni yokwethula ikhonferensi nge-inthanethi ngendlela ephumelelako begodu itheknoloji etja izihlulile zoke iinqabo ebezikhona. UPhrofesa Christiane Fellbaum, umsunguli olilungu le-Global Wordnet Assosiation, uphawulile bona lokhu kube yipumelelo ehle tle nakathi: **“Ngingatjho kuzale umlomo bona le bekuyi-GWC eragwe kuhle khulu bekube nje, naphezu kwehlelo layo elitjha. Bezingekho izinto ebezisiphazamiso, bekuhlanganyelwe bunqopha ngepu-melelo begodu wo ke umuntu bekathabile, nangicabangako”**.

Esikhathini esizako kungaba nesibalo samakhonferensi azokwenzeka ngethungenelwano levidiyo newabunqopha





ubuso nobuso azokungenisa iinthekeli ezingeziweko, kodwana godu sithemba ukubona abangani bethu bakade nabozakwethu bunqopha. Sisaqale phambili nekghonakalweni yokuthi sabelane neenthekeli ze-GWC bunqopha ngenarha yethu ehle mathupha.

Abosihlalo beKhonferensi, ababuye babe baSunguli nabeNgameli be-Global Wordnet Association:  
UPhrof. Christiane Fellbaum, we-Princeton University, USA, noPhrof. Piek Vossen, we-Vrije University Amsterdam, e-Netherlands



**Global  
WordNet  
Association**

**GANDELELA LA  
UTLOLISELE  
UMTLOLONDABETHU**



Umtlolondaba we-  
SADiLaR

GANDELELA LA  
UKUZE UKGHONE  
UKUTHINTANA NATHI



## IKHONGRESI YEPHASI YETJHUMI YAMALIMI WE-AFRIKA (WOCAL 10)

Isingathwe yi-Leiden University  
7-12 Mgwengweni 2021

Umlando uyatjengisa bona bekunerhuluphelo eyihloko eyabangela i-WOCAL bona yenzeke, lokhu kungokuya ngokwaka-Robert Herbert olibambela lakaMongameli wekhongresi yekomidi ye-WOCAL yokuthoma.

Uhlathulula irhuluphelweli njengelisitjhijilo ekuzijameleni kwe-Afrika kanye nerhuluphelo lesibili elafika ngomnyaka we-1990, lokha iSewula Afrika nayitjhatjhululwa egandelelweni

lebandlululo. Ngesikhatheso, iSewula Afrika beyilulukela ukubuyisana nefundo yephasi loke ngemva kokuhlukaniswa kwayo amatjhumu weminyaka.





## LE YIKHONFERENSI ONGEZE WAFISA BONA IKUPHUNDE!

Nangabe  
awukatlolisi, sibawa  
wenze njalo kinesi  
isiphande

GANDELELA LA  
UKUZE UKGHONE  
UKUTHINTANA NATHI



I-WOCAL 10 ithembisa ukuba yikhonferensi ekarisako nekhuthazako enelemuko namano avela kubarhubhululi kilo loke iphasi. Abanye bethu la e-SADiLaR siqale phambili ngokukhethekileko ekhonferensini le ngebanga lokuthi ngiyo yodwa engeyamambala yeentjhabatjhaba neyikhonferensi ye-pan-theoretical ezikweni lezamaLimi we-Afrika, edzimelele khulu ekuzibandakanyeni kwezazi ze-Afrika.

**Kunomhlangano wokubonisana wangaphambi kwesikhathi wamaTheknoloji wokuLolwa okuThuthukileko kwamaLimi we-Afrika (TEDAL)** okungaqalwa phambili kiwo. Isifundobandulo sangaphambili se-TEDAL sizokuraga iveke ngaphambi kwekhonferensi ye-WOCAL (31 kuMrhayili-4 kuMgwengweni) esingathwe:

- NguPhrofesa Felix Ameka: we-Leiden University
- Ngu-DRH Sara Petrollino: we-Leiden University
- Ngu-Dorh. Emmanuel NGUE UM: we-University of Yaounde
- Ngu-Daan Van Esch: we-Google
- NguMmasibidi Seteka: we-SADiLaR

Hlangana nomhlangano wokubonisana, u-Juan Steyn noMmasibidi Seteka abavela kwa-SADiLaR bazokudemba yerhubhululo lanje namathulusi athuthukiswe yi-SADiLaR



**“Ngombana ingomuso le-WOCAL likuqakatheka okukhamba phambili, kuqakathekile nokubulunga zombili izicezi emkhumbulweni, ukwenzela ukubulunga ummoya we-WOCAL njengekungo wodwa wamambala neweKhongresi yamaLimi weSewula Afrika ngezinzelo elidzimelele ngamandla lezazi ze-Afrika.”**

- Robert Herbert

malungana namalimi we-Afrika. Iinhloko ezinjengesithi itheknoloji ye-AI, amalimi we-Afrika nomlando wezamalimi zizokudenjwa emhlanganweni wokubonisa lo.

Emaswaphelni, i-SADiLaR izokuba nendlwana ekhonferensini ye-WOCAL lokha amalanga ali-9 kuMgwengweni kusukela ngo-16:00-18:00. Qiniseka bona uba khona, tjengisa isekelo lakho bewuthabele amaphepha amathathu amukelweko avela kwamanye wamalungu we-SADiLaR: UPhrofesa Langa Khumalo, uPhrofesa Tunde Ope-Davies, u-Rooweither Mabuya no-Andiswa Bukula. Kuzokudenjwa ngeenhloko ezinjengalezi ezilandelako, bekube nesikhathi semibuzo neempendulo:

- Isethulo se-SADiLaR
- Ikulumiswano yepaneli: Kubayini kuhlelwa umthangalasisekelo werhubhululo lezamalimi we-Afrika?
- Amatheknoloji wokutlolwa okuthuthukileko kwamalimi we-Afrika: amathuba amatjha